

Član 3.

U članu 5. stav (1) mijenja se i glasi:

„(1) Pripremu javnog poziva iz člana 4. ovog Uputstva i provjeru ispunjenosti uvjeta prijavljenih kandidata za osposobljavanje i polaganje ispita za dobijanje licenci vrši posebna komisija od 3 člana koju imenuje Ministarstvo iz reda državnih službenika i namještenika Ministarstva.“

Član 4.**(Stupanje na snagu)**

Ovo Uputstvo stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 10-02-14402/22

Datum: 26.09.2022. godine

Zenica

MINISTAR

Prof. dr. Spahija Kozlić s.r.

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA****643.**

Na osnovu člana 14. stav (3) Odluke o obimu prava na korištenje ortopedskih i drugih pomagala, stomatološko-protetske pomoći i stomatološko-protetskih nadomjestaka („Službene novine Zeničko-dobojskog kantona“, broj: 15/22) i članova 18. i 60. Statuta Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“, broj: 26/16 i 9/19), Upravni odbor na 87. sjednici održanoj 23.09.2022. godine, donosi

ODLUKU**o reviziji Jedinstvene liste ortopedskih i drugih pomagala, stomatološko-protetske pomoći i stomatološko-protetskih nadomjestaka****Član 1.**

Usvaja se prijedlog revizije Jedinstvene liste ortopedskih i drugih pomagala, stomatološko-protetske pomoći i stomatološko-protetskih nadomjestaka koja je sastavni dio Odluke o obimu prava na korištenje ortopedskih i drugih pomagala, stomatološko-protetske pomoći i stomatološko-protetskih nadomjestaka („Službene novine Zeničko-dobojskog kantona“, broj: 15/22).

Član 2.

U grupi pomagala pod rednim brojem V – **Pomagala pri hodu**, pomagalo pod šifrom: 05005 – ortopedska obuća za osigurana lica preko navršenih 26 godina smanjuje se rok korištenja iskazan u mjesecima sa 24 mjeseca na 12 mjeseci.

Član 3.

U grupi pomagala pod rednim brojem XI – **Pomagala za dijabetičare i osigurana lica koja koriste hormon rasta** tekst indikacija za odobravanje Trakica za mjerenje šećera u krvi (šifra pomagala: 11003) mijenja se i glasi:

"Trakice za mjerenje šećera u krvi – 25 komada obezbjeđuju se svim osiguranim licima starijim od 18 godina kojima je dijagnosticiran dijabetes tipa II koji primaju peroralnu terapiju.

Trakice za mjerenje šećera u krvi – 50 komada obezbjeđuju se svim inzuloovisnim osiguranim licima starijim od 18 godina.

Osiguranim licima do navršenih 18 godina trakice za mjerenje šećera u krvi obezbjeđuju se iz sredstava Fonda solidarnosti.

Pomagalo propisuje doktor specijalista endokrinolog, dijabetolog, internista sa edukacijom iz dijabetologije, ljekar specijalista porodične medicine sa edukacijom iz dijabetologije.”

Član 4.

U grupi pomagala pod rednim brojem XI – **Pomagala za dijabetičare i osigurana lica koja koriste hormona rasta**, šifra pomagala 11004 – Senzor za mjerenje glukoze u krvi ukida se učešće Zavoda od 100,00 KM, te se isti odobrava osiguranim licima do navršenih 18 godina života po maksimalnoj cijeni od 250,00 KM na mjesečnom nivou.

Refundacija sredstava za nabavku Senzora za mjerenje glukoze u krvi osiguranom licu se priznaje po plaćenom računu maksimalno do 250,00 KM na mjesečnom nivou.

Član 5.

U grupi pomagala pod rednim brojem XII – **Sanitarne sprave i pomagala**, pomagalo pod šifrom: 12010 – Kese za urin 2l sa ispustom povećava se broj komada koji se odobrava na mjesečnom nivou sa 12 komada na 15 komada.

Član 6.

U grupi pomagala pod rednim brojem XII – **Sanitarne sprave i pomagala** iza šifre pomagala: 12011 - pelene dodaje se šifra 12012 – ženski ulošci za inkontinenciju 120 komada, rok korištenja iskazan u mjesecima: 1 mjesec.

Indikacije: Ženski ulošci za inkontinenciju odobravaju se ženama kojima je dijagnosticirana: multipla skleroza, paraplegia ili quadriplegia. Pomagalo propisuje doktor specijalista urolog ili neurolog. U slučaju da osigurano lice ostvari pravo na ženske uloške za inkontinenciju ne može ostvariti pravo na drugi vrstu higijensko-sanitarnih pomagala koja se koriste za regulisanje problema inkontinencije.

Član 7.

Ova Odluka stupa na snagu danom donošenja i objavit će se na web stranici Zavoda i u “Službenim novinama Zeničko-dobojskog kantona”.

Broj: 01-100-87-739/22
Zenica, 23.09.2022. godine

**PREDSJEDNIK
UPRAVNOG ODBORA**

Almir Redžić, dipl.pravnik

.....